



四庫未收本

巴陵方氏珍藏

平菴悔稿後編卷四

括蒼項安世平甫著



七言律詩

題秋彥哲雲溪隱居二首

閑居郭內似村中
背市臨河一逕通
案上漆書何世字
墻頭碧瓦古時宮
苦遭客子驚鷗鳥
閑在橋邊數釣筒
不是龐公怕城府也來相就作漁翁
江漢兵餘八十秋
後生誰及見前修
開元遺事無人說

正始諸賢何處求此老尚堪矜式在吾儕欲為子孫謀
不嘆拱立煩鷄黍時復敲門繫小舟

江陵送趙知縣二首

萬壑千岩相送時靈星小雪上豐頤南雲北夢重分首
樸鹿繁霜滿瘦髭功業向來真自許頭顱今日遂如斯
英雄老火無人識足扣雙舷只自知

別離底處最堪憐君上吳船我蜀船從此相思真萬里
重來何止又三年司州刺史髭如戟

浙漕立
宗卿

國子先生

瘦似椽

太學正
葉正則

二子有情須問訊為言重九向西川

次劉子野送別韻

賈誼莫思行說背陳湯空想郅支頭子規枝上三更覺
去白鷺山前萬事休
聲白鷺山前萬事休
秋一犁先向東郊去稻滑蔬肥百不愁

次曾宣幹煥送別韻

戎事急於翻白餅人情難似塞黃河誰能戴雪三千丈
更踏衝風十二波父老共傾同社酒兒童齊唱牧牛歌

頗君為較田家樂比似兵家孰少多

次韻

高沙白剌

荆南內湖名

記天如葵扇桃笙度日居詩裏燕蟲

時漫興醉中鷗鳥正于胥忽遭喚起披金甲自笑平生

論石渠身世萬端誰得料一番江雨又成餘

伯父新園

正月十三日

屋後回堤可當山屋前溝港轉清灣行人自笑高花外
倦客方吟積翠間曲折故應憐窈窕崎嶇未覺厭躋攀

小橋直下前村路百頃平園錦繡班

憶宗道舊遊

十八年前勝共饒兩青不借一枯焦狂跳藥澗尋瓊闕
醉踏經臺問玉省華頂雲開千嶂露赤城天近九霞颺
祇今只羨蒲團穩坐看雙龍上石橋

用舍弟韻送妹婿鄭子仁湖南漕試

筆力追風內廐黃詞源下映九秋臙經行帝子雲璈地
袂飾騷人月璐章親老一生兒共婿吾衰一見暑成涼

門闌正倚乘龍重快踏層雲觀九陽

送右吏納官還鄉

陳傳良

去國無庸似葉輕文夫胡忍此收名遲遲自罄臣心力
戀戀猶貪主聖明正爾釣絲江上去依然羽扇篋中情
平生詎作求田學要與君王佐治平

金陵送左史

劉光祖

臨歧慘袂欲何言罷酒開船色惘然萬里重逢儻無日
一杯相屬豈非天修鱗去蟄三池浪倦翼歸投萬壑烟

劉婦簡池
予往會稽

從此登臨只西首美人家在夕陽邊

次韻張以道茗溪

諸人鼎到更茵重客子愁邊或酒中雲縞弃山溪正碧
畫無名手句專功年華若看蟻旋磨世話何難龜蛻筒
明日一蓑若雪去與君相伴作漁翁

水儂花

意濃態遠十洲人歲晏天寒一澤瀟奕奕雲冠疑映月
傲傲翠蒂欲搖春梅梢枉為行人瘦柳眼虛隨酒市新

林下水邊風味永弄珠誰見漢皋神

和胡撫幹水僊花韻

瑤池蓬島舊題名歲晚江湖得此生
水戰風搖疑體弱
雪欺霜壓見神清佩衿濟濟賢師友
蘭玉詵詵好弟兄
管鳳鞭鸞雲澤畔向人懷抱十分傾

次韻張直閣水僊花二首

買得名花共載歸春風滿眼豫章詩
銀臺挹月盃光激
翠被臨波鞞影遶山鬼湘娥通系牒
梅兄磐弟絕藩籬

我家正在江橫處一笑相看更莫疑

貝闕珠宮日月長青鸞白鳳恣翱翔
試煩鍾子傳琴操
莫向田郎問國香風裏翠鬟慵整頓
月中幽恨自淒涼
鷗波萬頃情何恨未羨春花占浴陽

登石頭山

山腰萬竹闕清寒上徹山頭望始寬
州清東西分線路
臺城未稟見毫端青開淮南天空濶
紫覆鍾山氣鬱盤
城下秋江來萬里獨能伸手障狂瀾

石頭直出江中水至此回洑為張家

寧

過上海塞昔人於此瀦水以限北方

原田漫漫不知津春塞清明思殺人雨後燒痕無潤澤
烟中日色少精神郢城南地溝隍古海寨東西徑遂新
誰見當時經畫意只今高浪化征塵

次韻荅胡季履復荆門故宅

鏡裏枯疎雪點毛筆端凌亂雨浮膏侵疆稍稍龜陰復
作堵渠渠鴻雁勞禽木有孫閔國體故基能築是人豪

自言書就堪檉秋誰謂先公論太高

陪閩安撫觀開漕河

為民行水不妨農為國憂民不費公肯趨好天招惡客
能於舊貫立新功山頭石埭千年計海上靈查八月通
只恐濟川舟楫快使君難滯郢城中

立春前一日書事

明日天車始建寅今朝猶是去年人江城半夜傳黃紙
嘉定新書下紫宸山雪多情來送臘湖波著色去迎春

旋烘寒餅纏生菜想見家貧憶路貧

丁教授家猫狗皆相乳二首 朝佐

周郊拳犬用刑樽堯蜡迎猫似捕神直是蘇公比臺諫
未知韓子喻家人鷹鷂化作鸞將鳳獬廌移成駟與麟
煦煦徐徐何必善使知剛毅有深仁

血人于牙犬政猛殺鼠如立猫事獒鄰子忽如親子愛
人情何似物情平再三仁者須存勇萬一天資與習成
恐被麋鹿邀作友或遭鼠弟為兄

會葬外舅還過李萬州墓下

又送人間一古今兩翁相望接雲岑屈伸固是乾坤用
惻愴豈非天地心野迥茆風聲索索山深松日影陰陰
平生來往風流在應有幽人見苦吟

次韻田蔣任年八十八歲作詩自喜三首

東坡來飯辯才師元祐真人宥密時

元祐庚午東坡有飯辯才帖蓋君生

也 之歲 生長太平經戰伐浮沈薄宦寄喧卑五朝道老令

誰在萬事當時恨獨知此世間人如傳舍吾人安更用

名為

銅駝陌上少年時走馬驅車遠四幾又見伏符明漢道
曾傷小雅詠周微一生世路高和下何恨人情瘠與肥
老矣胸懷百無著自梳朝夕鬢毛稀

茅簷桑戶落窮居兩眼猶能讀細書自說此生聊爾耳
亦知餘事竟何如春雲入眼元無迹秋竹剗心久更虛
天與精神自難老會看千歲跨龍魚

查元信餉日鑄茶因用其韻感嘆舊遊 八月三日

芒屨衝雨上茶園綠髮晞風正少年重見靈先元好在
却待雙鬢已蒼然芽生日鑄無多樹瓶採千山自昔年
小碾芽心成雪後微鋪瓶頂便天然

淳熙癸卯親到日
鑄山中見寺僧言

此如

次韻朱通判寄示盤龍山觀瀑詩

百尺山頭下玉龍吾人到此得參同河米積石崑崙頂
日出蓬萊碧海東直自陰陽隨處有強分泉火本來空
君看擊石還呵硯燥濕先生一性中

送朱侍講

欲就前賢去不如幾年功力在三餘
終然覺我多金鑛
幸甚逢翁侍玉除
函文中聞親見訣殘編
裏許細觀
自憐舊習如塵汗
入髮成膠未易梳

次韻路德章吳斗南同送朱侍講

兩年京洛筆生埃
忽見清詩眼為開
蕭洒併將秋色寫
雄豪更帶夜潮來
可憐柱腹五千卷
誰與澆愁三百盃
莫遣晦翁聞世事
怕教興盡却思回

觀瀾閣

先生高閣水之濱
一虎翁從衆主人
欲說觀瀾先自愧
況逢收潦更難陳
霜餘過瀨聲逾急
日落浮霞景轉新
千里迢迢春不斷
陶潛曾點是知津
千里雖遙孰敢不至淵明詩也

次胡仲方東湖送別韻

祇知白下棠花白
不紀湖邊草色新
鬱鬱樓臺龍戍柳
荒荒苔蘚畫遊舫
重來老子慚無恨
祥臥尊前醉不醒
投曉張帆順風去
怕遭名吏笑明廷

鷄冠後庭花同賦

長日鷄冠短後庭倚風邪佇不勝情宋宗憲伴親曾識
陳氏宮中舊得名尚想蹣跚啼曉意猶疑宛轉隔江聲
恹惶借與非常色染出猩紅特地明

衛州東湖

自笑知州百不知近他池館未曾窺主人正可今為客
和議初成恰是時草色萑葦花覆座波光灩灩酒浮卮
留連枉是憑欄久洗得當年了事癡

香海棠下會飲

近看成洞遠成林紅綠參差作畫陰閑有工夫隨酒去
病無心力為花吟調朱弄粉年應小倚困合嬌意却深
更向嫣然清淑外一簷香氣入衣襟

元夕劉知祿招飲

曾吹藜杖到蓬萊親見銀潢鐵鎖開析木津頭排列宿
鼇山脚下走輕雷荒城夜雪欺行李畫角晨霜送落梅
鄰舍相呼同酒盞也教人道上元來

崔成州將赴官招客劇飲次袁主管韻

飲量詩才總不慳一經離緒竟難宣
橫行秦徼看飛將
流落巴山記散仙較第賓朋勝
平酒盞留連僮僕費金
錢更關上馬情懷惡髻鬅滄江送畫船

敗家池館已灰烟更說江家六百年
但有小橋通綠水不妨高閣看青天
鐘山月到東城角淮口潮來上閘邊
兩行紅旗射西日明朝漢使點樓船

楊帥二首

謝天增霸復留恂又到當時繫帳展寶帶
正看金芍藥
璽書重傳玉麒麟上元新歷開千歲
作噩祥名冠六辛
怯用此年鍾此傑便乘嘉泰轉洪鈞

更須石叟共甘公酌得氏言帝自同
四海人才客接裏
百城生聚撫摩中似聞聖世開皇極
欲倚名賢鎮士風
看把璇璣扶大運久於箕翼厚於嵩

阻風

阻風多日飯無羹病酒中年睡不成
撲面飛蚊來似鴨

閉船吹燭守如城

俚語云潛江夾收如鴨

良朋處處愁分袂遠客

朝朝怕說兵石首山頭送一笑白雲相望雨新晴

順風至岳州危甚

黑雲將雨向已止白浪奔雷送客舟一路逆風纔得順
百年何日是無愁神林浦外飛沙惡道士磯頭亂石稠
繫纜南津聞笑語船船鷄酒謝神休

別岳州

五更鼙鼓忽遶遶舟子聞晴上北江推枕一兵辭畫戟

開門三騎到蓬窓鹿鳴厚意陳箱篚伐木深情綴酒脰
小雅風流千古在飛吟亭下此心降

送孫司戶秩滿東歸考試鄂渚二首

十年把號趨朝班猶著青衫候曉闌冷甚高僧禪榻畔
清於寒露玉壺間文章竒古源西漢詩律精深祖後山
師友平生能幾許又隨征鴈看湘鬟

秋風一舸下滄浪想見占絲聽鵲忙西夏作僧猶有債
三旬為客更須償君才有用今千里我拙無堪尚一方

好去玉霄雲海上寄聲江漢永相望

徐單騎
在官

和高撫州用韻相招

能使邦人保里閭不能一日自安居廢興何敢於人怨

溫飽從來作計疏舊景陸公新景賀

高侯師事象山陸
先生自號景賀堂

大題詩句小題廬慙慙喚我江西去只用官船不用車

南康尉司射亭後軒盡見廬山為取東坡覺來滿

眼是廬山之句名曰覺軒

千堆白浪捲彭湖一葉青帆映大派夢裏東坡魂尚魔

听傍海福笑相呼開門翠壁連天是回首驚波一事無
推下黃紬見真意的知陶令是賢乎

賦竟陵毛氏新港亭

倚東湖浪看西江結小紅橋渡綠窻白水遠堦人逕絕
青天入坐客心降簷簷影外聞仙磬菡萏香中見佛幢
從此竟陵城左右陸泉毛港一雙雙

重陽復晴再次前韻

一天雲物護輕寒陣陣清風約雨乾造物有情聊作戲

詩家無賴強尋歡
吾人已辦泥沾帽
曉色還教日照盤
咫尺龍山君莫負
草枯霜野正平寬

宋帥移厨就市樓
併飯胡黎州

澹庵之子

天明喜氣滿沙頭
小隊行厨下楚樓
太白穩歸雲闕去

屬季大著 德星聊向雪山遊
屬陳澹翁 不為重溟怯令子何

辭九折愁

屬胡黎州

榮殺上官窮觀主
助公持酒記觥籌

崇道

觀有上下二宮

次韻李著作送行上首

壁

羣居未信相從樂
要識相從是別離
芸閣掩關當宿夜
江船吹火未眠時
無人見鴈同持酒
有客看猿自賦詩
詩墨酒痕隨處有
故人誰與寄將知
秋來定有池陽雁
飛過蓬萊報子知
天上舊遊今似夢
覺來追憶始堪悲
簷前日屋融融暖
閣下風廊細細吹
最愛石渠明月夜
清霜飛下老梅枝

和平江府倪教授送行

千里

拜辭初下九天來
乞得斑衣學老萊
六月火雲烘去艇

三山風露隔飛埃多情送我詩盈軸何意辭君酒一杯
後夜相思江雨黑短檠寒熖錦囊開

又次韻沈告院送行二首

前年倚席湘山下曾得新篇勝玉葩今日題輿秋浦上
又煩佳句溢瓊華雲霄策足君方駛風雨論心我未涯
正向齊山插黃菊遙知己對紫薇花

江頭水落雁和下江上魚肥酒可中秋浦到時應正好
昔賢題後恐難工三年禁直消長日六月修廊飫午風

天上素餐吾已媿更來閑處理漁筒

又次韻鄧漢卿秀才送行

春風不療鬢邊霜閑處輸君笑戎忙衮衮懸河煩卒吐
踈踈冷鏗賴于湘去鑽芸帙翻成蠹飛下芹泥只願頑
鑑水舊遊零落在相逢猶忍話髯郎

八年前相見于會稽沈叔晦所今叔

晦亡矣

又次韻楊秘書送行

設矩陳繩勸蹈中雕籠災輟戒多窮有誰心肯明斯語

無限人知敬此翁信有德隅當並進可能性地獨幽通
相分便作相逢計此事它時驗庠崇

為吳司戶作甕天

年端隨意出洪纖康俗山前自在禪已把屋來朝作甕
更將詩去謫為天蛆浮鞞舞無多子鵬運鵬遊即大千
敢向時人稱萬卷不妨李渤但如拳

赤廬
山事

喜晴

一年蠶麥九分成十日雲雷萬感生雨似梅天聲陸續

浪乘桃月勢崢嶸猛拚歲事真無策大放春光却有情
世故從來多錯料落花飛絮未須驚

題胡仲方詩編 五月一日

讀君百二十新篇句句傳勻字字妍秀似南風吹竹粉
潤於春水濕花烟斯文貴盛看如此前路飛騰諒果然
東野長江寒到骨一生憔悴豈關天

圩田

港裏高圩圩內田露苗風影碧芊芊家家繞屋栽楊柳

處處通渠種芰蓮
老去何年真有此
客中半世尚茫然
自憐赤日黃流裏
又買揚州上水船

賦曹開府遺事

大隗山前苔露深

靖康從二聖北狩

佛林江上劍成林

紹興末使金亮

軍當時不作一身計
聖主自明方寸心

光堯御書紀其忠勤

勇去

淨澗都是膽歸來
靜密不開音平生
蓋預外庭事此段
當鐫墓石陰

江月亭會飲次袁主管韻
惱吳鈴轄

袁倚字彥安

日西移幕看澄江
夜久回屏護烟光
暗裏微明認漁火
醉中時醒為荷香
狂飛鸚鵡盃心綠
怒索蒲萄架衣涼
苦恨重雲隔明月
嫦娥更在月中央

任至道招飲香海棠下
二月二日

眼見名花病已輕
手攀芳樹思如醒
飄零萬片都無恨
點綴殘枝更有情
日暮莫辭銀燭照
夜寒誰為寶瓶生
飲闌可怕留連久
滿地香紅忍得行

送江陵柳教授歸潭州

乙未同年柳世南

上苑歸來十六年青山相對各無羶道林說法非吾坐
予方待絳帳談經覺子賢江陵有馬融絳帳臺舉世不為寒賤地
先生未改腐儒天親朋莫訝知音少直道傳家自祖先

上元

月華未上鼓聲喧又向山陰過上元五歲鏡湖纔一熟
今年燈市始應頻留連晝景通三夜呼吸陽和達九門
遊客不知千古意看人看火漫奔奔

元日用前韻

元日今年分外寒先生堅卧正如山鄉閭草草兵戈外
雨雪棲棲道路間兒女有情催我起杯盤無緒笑人慳
何因得似江城鴈未轉泉風已北還

晨起偶成

清溪堂中自喜時行蹤潛少世人知角門閉斷無閑客
紙閣糊成教小兒二十道錢充日用蜀用交子以兩三
石米了晨收夜眠一枕庭闈夢此外都無事可思

送許狀元奕赴召

十年門巷斷經過讀易吟詩長薜蘿始向新春歌伐木
忽逢佳士赴卷何回如呂叟精神王身似章公貴氣多
既出不應猶為我未知賢者意如何

謂子約章公謂
侍郎德茂

五日常州借聞

踏車如市水如金守閘如城不放人共億河渠通北使
可憐膏澤養邊臣半生自計更衰豈此日何顏玷搢紳
欲換小舟跳堰去沙邊漁子得相親

大舟出閘
小舟棧堰

寄題臨江徐氏海棠巢

結樓下瞰海棠名之白巢

紅錦山顛著醉眸赤欄杆外數花頭烟中月下看不足
葉裏花間睡即休迷住子規疑蜀國歸來黃鵠認柯丘
他時我與君為對蓮葉中間作釣舟

答張功甫寺丞

張叟至人憐項叟杭州依舊憶荊州亥年詩到子年答
十月書來正月收了女了兒多已過半飢半飽不須愁
且圖今日勝前日一任黑頭成白頭

次韻重陽值雨

莫向西風怨雨寒
登高元自不須乾
葛巾漉酒何妨濕
破帽沾泥亦足歡
喚醉自應泉灑面
養花兼得露盈盤
游人幾許重陽恨
憑仗新詩一笑寬

送曹提幹歸永嘉兼寄陳君舉舍人

西船滿載下東州
客子相傳不作羞
官長獨稱今有屬
川人爭誦古無儔
捫心但欲全吾寶
行世何嘗異此舟
為報鄉閭看解纜
清冰寒露勝琳球

問訊東嘉老紫薇
年來多病世人知
坐親紅炭猶觴客

日飯黃芽未廢詩
左氏釋經上定了周官著論夢應哀
舍人專以左氏作春秋
解又嘗進周禮論三篇
西清眷眷若王意
欲喚申公草漢儀

勸醇甫酒

欲勸臨政酒一卮
若為啼笑若為詞
情懷作惡中年後
親友相分久病時
少壯豈知人寂寞
庭闈方待子飛馳
欲闌百丈牽江去
挂起西川五色旗

二十九日出暗門
循城至北闕登舟

三石齋詩集卷四
三
籃輿出郭轉墻隈欲老芙蓉盡意開天氣已涼猶索熟
官身得去未忙回舟行何物非詩句病後無情是酒盃
一笑團樂今在目細挑燈火話蓬萊

不出

老子年來驚五饋閉門不出動經旬誰家花有傾城色
何處園無持酒人直以故書消遣日短於佳句奈何春
東君似欲相料理柳外風來絮滿身

寒食道中

秋千飛去過墻枝風已歸來矮屋楣春色一如前度晚
鬢毛多似去年衰碧雲莫唱愁紅曲黃鳥休歌伐木詩
方本不禁如許思門前楊柳正開眉

林通判

東里相君新說似茶陵軍使美無窮誰知楚戶南公口
更說沂康別駕功人借一涼鑿鏤石天開四莢照垂遊
不爭玉女秋期日自醉金公生數中

周丞相書來極道
林君茶陵之政

醉歸再用前韻

車中倒載笑兒童馬上扶行夾驥熊安得風流如杜甫
偶然日夕似山公幸無風雨成三厄遇有聖賢須一中
數寄短章勞侍史捲舒時得近春蔥

新茶 三月十三日

天天雀舌變槍旗旗旆旌旌忽四馳槐火已登新鼎味
松風猶動故園思森森苦口難追俗脉脉甘津恐後時
何似當初陸鴻漸莫將名字世人知

以琴高魚茶芽送范蜀州

溪上幽人拾蘓查

相傳魚乃琴高生藥查

洞中丁戶採新芽欲乘

赤鯉慚仙骨自淪霜毫暖乳花苻路跨驪勝五馬郵筒
得酒散雙衙武夷道士知君否正擁風鸞裏月茶

還家即事

丁令歸來故國時鄉人相見喜兼悲鬢毛憔悴精神在
邑黑荒殘府寺熙坐處不堪推老大親旁猶幸作嬰兒
莫言破虜前回事得雨如今即是奇

謝張直閣示南湖編 磁字功父

少時機杼入思惟老去工夫更不疑二十卷詩除我讀
一生心事更誰知字違生處要途穩語到平時出轉奇
直與誠齋分坐席定知傳習是宗師

胡仲方歸自武陵已過賤生尚煩追賀託柑致頌
褒擬過情輒次韻為謝

老後人間百不堪形容今似過時柑液枯自斲仙無分
回歎猶宜佛作龕更說吳姬兒女事且尋湘頌友生談
橘頌願歲并
謝與為友芳行裝聞逐春風動商樂無因餽相參

春晴

東風瀾浪滿人間小雨禁持故作慳宿霧翳妝濃著色
新陽晞沐巧梳鬟桃花落盡春無恙柳絮飛忙日正閑
報答年光無酒伴盡拈佳句為江山

風水洞

君言洞好定非虛只恐詩佳洞不如兩脚若能隨杖履
一生何用更軒車聽風聽水縱橫說隨醇隨醒爛漫書
不辭九重城裏路有人塵土化衣裾

送敬甫弟赴省試

阿連明日去觀光鶴髮今年喜倍常
船裏萬端須慮客中無事不周防
三經訓詁勤繙閱一紙平安數寄將
反覆庭闈千萬意早收名第獻高堂

和二十六日雪晴

雪中歡喜看瑤陵雪後扶輿弄綺晴
造物為人添眼界病夫隨處得心傾
江南江北融融暖春草春花日日生
凍死窮簷吾不恨欣欣同宇盡敷榮

富陽道中早行

山腰宿霧遠模糊水面柔雲近有無
青女妝成連夜粉鮫人啼盡一川珠
陽光稍稍蹙層筠春色徐徐展畫圖
拭向東風指病日駕天青浪麥年鋪

晚晴

一首新詩轉晚晴樓臺西畔斷霞明
浮雲過眼元無事好月於人却有情
鵲噪畫簷何太喜鶯啼綠樹已新聲
前村處處聞呼喚明日沙田趁潤耕

三月一日入襄州界先寄吳待制二首

明德宮中大練衣風流小阮世人知
斷無流水游龍夢
只有珊瑚碧樹調天上仙人持紫索
邊頭武吏戴紅旗
男兒自要麗官作音佐肯被青雲富貴欺

兒時夢到漢南州四十頭顱未省遊
此段風流愧人物
今年行役藉君侯仲山甫有遺墟
在諸葛公存舊事不
欲借蹇驢馱醉帽從公一一訪前修

二十二日入荆門界

四望亭前粉雉明百欄橋上竹枝橫
荒荒白日春將晚
渺渺黃岡草未生獨客更無楊柳伴
遠村時見杏花驚
白碑南路翻堪意不恨衝泥踏水行

送湖南盧提刑赴召三首

幸甚他鄉識老誠孰知真意徹幽明
通身寶地無奇巧
接面春風有至情王辛直須窮晝夜
官途元不計公卿
無端自被功名迫漢節斷寒上玉京

世間除我更誰窮老去知心僅有公
玉局當年已無分

星沙今日更愁儂
飢鳥繞樹啼寒月
獨鴈辭群叫朔風

四斗官醪作供給
先生只此是遭逢

公攝帥月給
教授酒四斗

先生休嘆不逢時
此地非公已再危
赤立一絲無籍手

青衿二百正張頭
千緡九鑷仍三料
五頃夫田更八池

始公為言于帥得千緡又復贍學錢三料計歲
增六百緡及公攝帥更以田與魚池之利來助
但得門東無叫怒
老身寒餓不須愁

送楊制機赴召

一年兩別故難堪
一世斯人况不凡
髮共素心明耿耿

骨如脩節瘦
蘄蘄日開黃
道天三接夜
榜清湘月半帆

時予初得
長沙閩各自青澄同
曉夢芒屨踏遍
武夷巖

題東坡題高風堂屏間

樊口齊安一水間
少年行役鬢成斑
雲間甲子三秋雨

日射淮南一帶山
戰血濃時雲夢遠
受恩深處老身閑

登臨莫唱綸巾曲
栖鵲危巢再可攀

再到東坡

江山不用惜花輝
滿坂黃泥落葉稀
四海共知波下路

昔人猶想夢中歸小橋暗井千年話秋菊寒泉一綫霏
恐被先生浮大白尊前休說是和非

又賦

厲玉風前藕葉香殘蟬聲裡柳枝黃生前天遣耕雲土
身後人來問雪堂樊口戰船旗似錦黃坡吳騎劍如霜
先生儻有歸來夢更覺春江雨後忙

白蓮

有送千葉白蓮花者婦人指謂余曰海內諸花

蓮為冠姚魏次之余問其說曰碩大而光明此
固諸花所無而蓮與姚魏所同有者至較香量
韻則姚魏瞠乎其後矣暑天初曉風露浩然蓮
于是時高爽鮮香不可名狀此最其絕妙處而
日西後觀之亦不減此余喟然嘆曰此前人吟
賦之所未及也作七言詩四韻以記其事

似雲如月畫圖難似立如行意象寬太華峪頭天欲曉
魏王池上日初殘超超韻出千葉外浩浩香來六月寒

正用一夔當大夏可須浮艷滿春闈

次韻賀葉運幹改官

伊人匪 即東如於我誰何伴退居纔到九門催引見
速來平地學追胥雷轟古縣裁襍李水滿芳塘泛碧渠
戲把閑忙問同異莞然微笑刃之餘

楊侍郎

牙帳森森畫戟紅心源澹澹玉壺空身如峴首羊太傅
意似鹿門龐德翁一貫精猶千慮到兩忘真贗萬情融

觀公尚得今人愛始覺東家道未窮

漕河水入漢江流逆浪吹鄰上比州為送新篇歸峴首
亦知舊蔭滿沙頭每思吾道長城在常喜斯民命脉留
聖宋卜年周十倍頌公同往八千秋

得桃源丁知縣書

為報桃川老今成病夫三歲不開帷窓中見日知晨暮
瓶裏看花記歲時新讀子書多乙者舊吟詩藁盡丁之
無人肯共閑人語滿腹閑情獨自知

寄題吳氏社倉

始晦庵朱先生作社倉於建寧之崇安縣因卷
事及之乞頒其法於天下孝宗為下其奏於是
建昌軍南城吳伸吳倫兄弟首應詔書而晦庵
又為之記慶元六年庚申予卧病江陵南城人
包楊以其記來求詩適與朱氏哀疏固至讀之
心折不敢以病為解遂作四韻寄二吳臨筆汪
然涕泗交下時月十月五日也

淹劇無怛易愴神社倉新記重関心前朝詔在息淪骨
遺老書存淚滿襟永念君仁多善稼肯因師死下喬林
皇天老眼明於鏡勉植書樓萬桂陰

送范安撫喜雨詩

一寸甘腴一寸金只今誰可早天霖贖鏹盡免疲民血
重役新寬戰士心蛟掣電光開九闔龍呼雲氣出重陰
書生不放飢腸歇纔減憂勞便苦吟

又和毛子和鄭薦玉

長腰如玉穩如金千里西城待一霖憂國元戎真瀝血
還家倦客更闔心卧聽簷吹長疑滴起看江雲只願陰
但得街頭官酒賤速呼毛鄭與同吟

武昌謠

夜繫扁舟鸚鵡邊洲邊人語更堪憐烟煨影裏招魂魄
瓦礫堆中立市廛明府到時惟赤地吾儕今日見青天
子孫孫子恩難報願太夫人壽八千

武昌謠
七日呂城守開

官閘增峻晝閉塗商舡嘈囂夜街廬卧聽篙子灣灣月
坐待州家急急符石罅漏泉鳴錦瑟蓬牕篩雨落玳珠
夢魂不受重門隔自著斑衣過練湖

平庵悔稿後編卷四

平庵悔稿後編卷五

括蒼項安世平甫著

七言律詩

重午飲趙園再和

香玉尊前剥嫩金已逢佳節又逢霖
從教歲月催華髮誰識乾坤有賞心
家在山林仍近市手栽花木漸成陰
更開石并依桐葉我欲時來作一吟

次韻盧漕木芙蓉二首

風波久厭水中央
初日精神入檻光
木末端來就詞客
墻頭應是誤行郎
高花大葉宜圖障
淺綠深紅照豆觴

壯觀秋容惟有此
霜邊倒盡雨邊荒

吹殘池面旆中央
幻出臺前艷粉光
衣典欲催愁杜老

越人呼為催典花言
開時寒氣將至也
鬢霜難拒笑潘郎
風來尚恐波生

陸暑退猶疑葉可觴
避暑飲以
蓮葉為盃
擬種陶朱三百樹
廣文

茅屋未應荒

平次韻高秀才木芙蓉

流落秋江世未知
知心未有子西詩

唐子西芙蓉行以
孔孟伯夷賈生託

典蘇韓句外新
相識孔孟門中詩
獨窺不怨碧桃真
義

命見高蟾
下第詩
最宜青女好襟期
見大
蘇詩
娉婷恥向東風嫁
羞

殺却鄭道上姪

次李校書韻嘲閣下紅梅

托迹干花冀可曹
冰姿何敢露秋毫
祇隨婢子布紅藥
肯信仙家有碧桃
照影日華烘玉頰
承恩嚮勺醉香醪
自拋脂雪茹簷夢
應羨春風畫閣高

已賦四花復得紅梅因念閣下舊賞遂足五花之韻

吾衰不復夢蓬瀛忽見紅梅眼暫驚獨樹正當雲閣起
艷妝斜照石渠明懶隨朔雪傳春信長倚東風詫曉醒
歲晚江湖逢驛使羞多無奈臉霞生

食角黍懷江陵

經年不食三閭餌一日相逢似故人旋剥青菰香滿手
試餐黃顛軟粘辱蔗漿下竊甘無敵昌本浮盃小作巡

正是鄉人行樂處畫旗鼉鼓隘江津

阻北風簡葉岳州

風顛下檣聲刺沉深水長移船入港頻帝子有情留客
子主人何幸得鄉人星辰相緯周三衛日月為常漢九

賓葉以太常行權郎公若賜環吾解纜一般風色兩家春上江陵下

鄴清同用東南風

再送黃醇甫四川制幹二首

余與醇甫皆任氏壻末章以兩任屬之

未冠聲名碧水流已嘆袍笏壯齡收更堪綠鬢勞烏綬
好去青天上碧油百歲重親誰得似十年三策未經酬

歸來展畫平生話莫負東陽沈隱侯醇甫省試對策沈右史亞稱于朝

柏氏諸龍我獨蛇樂翁羣玉子無瑕高曾未遠情終在

閩楚相望迹自賒曉鏡雪侵蓮府錄謂利州夜堂風入

絳帷紗謂普州任教授天將廣厦包全蜀李監門闌喜可涯

次韻江陵王撫幹送行允字伯喻能詩好從方士遊

江西回首白雲深磊石山邊問水程少日經行嗟老大

壯心零落笑平生官曹無計逃寒冷書冊惟堪記姓名

悔所早師王處士藥爐琴軫自關情

暑雨

屋下黃流可榜舟屋頭青瓦更鳴溝江吞平野魚龍樂

雨聞深林鳥雀愁雲氣守閣圍溽暑水風排闥薦涼秋

小窻一夢平生足閑著漁蓑伴白鷗

謝襄陽鄭帥送酒

有如雍府今方伯無乃吾家古鄭君鼻祖向人元不負

耳孫於我尚能勤三更月冷冰如水五日風調麥似雲
更有開心到閑客漢江蒲綠兩相分

歸自寸金提繞城南轉至望涉楼下柳陰扶路草
色際天春意融怡不可名狀

十里河堤接郡城城邊楊柳密於屏行人盡日翠陰裏
啼鳥數聲殘酒醒一澤觀前無限草高沙湖外一時青
斜陽極目春如海只有平菴兩鬢星

江梅臘梅同賦

淡白輕黃著絳附截肪蒸栗玉肌膚品題迥骨誰高下
著莫清香似有無野服黃冠離世士縞裙瑤佩列仙儒
春風底處無紅紫誰肯衝寒到玉湖

詠臘梅

枯疎寒影變豐龐的皜冰肌染沁黃難免世人梳蠟議
賴憑天骨蕙蘭香情知不作和羹計老去誰能弄粉妝
却笑南枝心未死壽陽新額小紅裳

次韻張參議送行

君王菲食繼唐虞此望中原憶故墟嗟我懷人無俾遠
參卿軍事具煩渠急須把酒澆天口早與歸朝說地輿
湖水小儒無籍在十年猶佩兔園書

次韻陶節推問疾

酒病詩狂失已多之人未棄肯來過悔將蟲篆疲鏤刻

旋講熊經學按摩客戒力前盧駱體與君同赴問顏科

瑤琴一曲春風裏思

去聲

遠龍門看洛河

程子晚歲所居

紹興孫察推席上

察推解舍在大善寺廡下

孫郎覓句有新聲場屋當年更老成曾草摩空殿前賦
却來晚飯越中行僧廊罷雪窓猶曙佛吟無風鐸自鳴
客到莫嫌花酒少三從事與兩卿卿

名舜卿孫
名元卿

過陽羅洲

陽羅洲外黃陂路瀟口湖邊孝感河鉦鼓已通南草市
腥羶欲流大江波家家戶外無驚犬日日轅門有凱歌
端藉聖朝威德厚亦煩諸將戰功多

南湖遣興

朝回日日到南湖，不惜金錢散僕夫。
同舍盍簪如有約，吾廬高枕更何殊。
年華過雨春都盡，草色連天路欲無。
樂事只今惟有酒，速傾家釀倒金壺。

和鄧子及見賀韻

虛舟不記坎和流，槁木何心春共秋。
幸自一生甘辟穀，更須萬戶苦封留。
頗憇吾族離千里，且學鄉人摘滿洲。
生平惟良資共理，病夫何以副旁求。

賀周子問得子 七月十八日至八月十七日滿月

旬時織女渡銀潢，付與天孫紫錦囊。
又向素娥圓滿後，懸知丹桂異時香。
金魚玉帶傳家舊，犀果銀錢照坐充。
鶴髮含飴天下樂，百年重慶侍高堂。

和劉子野見賀韻

汗青久別如山厯，頭白重分似斗城。
靜著易林師子貢，共評詩品得鍾磬。
忽驚蒙水新銜寵，恍惚巴山舊印榮。
翠幕紅燈莫相問，風流何似十年情。

予向得已郡
今十年矣

和捐尉見賀韻

茸茸弱線初迎復
軋軋陽機已轉坤
梅放小紅明紙帳
竹分寒綠壽藤尊
不愁故將逢陵尉
且喜仙官近市門
還向陳年作新句
賀人今日拜春恩

和彭世昌

有山有水勝吾閣
非舊非親借屋居
醉尉詞人何所恨
老彭於我未全疏
右車牙少愁看粟
左目眇多怕讀書
比似淵明更窮絕
併無門巷與舟車

曾宣幹煥謂余貌似誠齋楊公作此報之

客來喚我似誠齋
始晤行藏合打車
雖負江湖真格律
且羸土木偽形骸
生來仕宦無多日
老去祥狂只少諧
莫怪今朝歡喜極
被人題箇好先牌

讀櫻寧詩集效其體制荆門趙守二首

玉州政事荆州說
隣叟謹呼病叟聞
轉地光風茅甲暖
照天寒鑿骨分毛
花村犬睡沈抱柝
袂地人歸勸耦耘
安得旌旗來北夢
放教恩澤到南雲

多謝君侯尊古德新開詩集向春風
隔生始見斯文貴未死誰憐此老窮
紙上歲時猶可數向中恩怨已成空
若為喚得櫻寧起看破浮雲合更工

大雪同官皆不入獨坐道山簡南湖張直閣

久矣招渠不受催忽然過我己佳哉
更於群玉峯巒裏棟得孤吟時節來
入竹葉間添茗供點梅梢上獻詩村
箇般清絕今誰有未必南湖此日開

和人謝送筆

十一月二十九日

詞源浩浩筆渠渠合珥華簪從厲車
洗眼看題揮月字驚心猶似仰空書
雲林舊截雙鳴管霜野新蒐八竅居
遣送文房慚瘦劣千軍揮掃正椽如

偶題

暗水斜穿橋塢涼回波直下藕塘香
似牙如背白羊岸白羊有虎牙三灘荆門十二背已疊又灣青草傍湘中有十八灣聞裡放
船思攜李石間行酒認天章山陰蘭亭今為天章寺一時喚起平

生夢江北江南道路長

讀三國志

曹劉有志混華戎無奈吳兒兩炬紅赤壁燭燒雲夢澤
夷陵光照永安宮人間自此鼎三足天上無由日再中
惟有葛公心未死夜深寒月照孤忠

李校書翰對乞於故相家取上皇退位御筆上喜

曰此萬萬年来照也

校書對罷天顏喜再拜龍墀出殿來勅使傳宣新宰相
驛書馳問舊元台工皇慈筆歸中秘學士忠名遍九垓

榻畔祥風翻諫紙朝衣收得異香回

少保席間道襄州朋舊

持杯相向各言哀憶得襄州未老時曉踏青山尋秀句
夜簷紅藥聽新詞只言坐上皆豪逸誰信人間有別離
頭白歸來堪自賀獨依雄楚看題詩

醉醺牡丹同賦

小園疎雨挾東風敗萼殘英一夜空世上已無桃與李
箇中方是白和紅綠霞承露嬌如滴玉雪生香暖不融
可使依徊萬花裏剪裁多少費春工

陳宣幹至咳

十年無事書生病一日談兵志士忙
膚退使收前印緩
秋來仍著戰衣裳
天寒白兆腥風起
月黑黃陂鱗火光
試問蘄州陳大著
幾多流血漫沙場

次韻曾宣幹

無鉢無簞曉自齋
一盞一袖晚逾乖
戰場實事膏蕪血
廣坐虛談冢共骸
虜事方然人尚爾
世途何者我猶諧
道林自有山花鳥
收起棚前傀儡牌

上泉

陰崖古木掛藤蘿
下有神龍閱世多
荇帶水衣閑自舞
鱖魚石蟹戲相過
豈知霖雨為何事
自喜經塵不到他
落葉滿林迷去路
牧童相引到山阿

和陳信民除夕

已知時節到門闌
猶有私情惜舊殘
十戶神桃俄已換
一聲鬼竹豈其難
癡人星髮愁春鏡
稚子花襦簇曉盤
歲歲年年祇此是
且隨流俗賀更端

送張司戶

誰道盧門病客多先生有藁起沈疴
需家自昔無追拒賤子經年賴琢磨
點鐵成金耶爾耳絕塵暄後擬如何
他時若謁安昌第只願論文不願他

八日泊故人亭觀二水合流處

各自南來共北流孤亭直下對中洲
湘流幾日發陽朔瀟水伴吾離
永州預戒篙工泊江口急穿巾子上山頭
俄詩未了寒催客却下蓬牕喚解舟

和鄧子及冬至謝送筆墨韻

十一月十二日

年華添線又浮灰忽忽窮愁不易裁
惟有病人知客意故衝寒雪送詩材
昔誇三窟今成縛少倚千尋老作煤
妙用反從窮裏得一陽端自剝中來

題谷湖詩

少年塞上傳書檄晚歲湖邊結薜蘿
猶有詩編傳舊夢更無心事向金波
人生難料君從出戍務方殷意若何
鬢髮浪蒼肝膽在鐵山涇水待饒歌

七夕謝孟漕品味

金井琅玕戒女功木桃水李奏民風
天河夜酌尊罍滿
帝子秋盤餅餌豐
戩戩玉蓮參藕艇
忻忻火棗會梨宮
星軺著意來看客
不與尋常乞巧同

江梅

千林憔悴獨含春
笑倚黃昏未識顰
紅小粉疎湘幕幕
影低香遠水鄰鄰
從教雪路寧愁冷
遮莫茆簷可怕貫
欲問橫枝緣底瘦
似無如有最禁人

景月午日

一杯聊解獨醒譁
老眼猶明纏臂花
煮角沈筒隨地俗
賜衣題墨又天涯
十年菖本頽肩十九
藥戎葵節蠶華
景物向人何所欠
明時不用賦懷沙

鄭子仁生日用其去臘見壽韻

四月六日

寶璋華蒂慶祥羅
又是當年應夢時
煜煜金芝生五岳
煌煌珠樹出三危
賦成鸚鵡凌雲筆
詩到駟魚在野思
時論同歸家最近
新秋騰上未為遲

月日巧當真四六風流合是妙詞章金華洞府神仙骨
麗澤書堂翰墨香隴麥秋時椿自好林鶯老去鶴偏長
綠槐宮闕薰風裏看引諸儒對殿廊

任安道生日

正月二十日

桐川酒正夏王孫

禹之後
封於任

四百遐齡舊德存解與秋儀

傳釀法不妨吾祖自昌言三分歷草初除一百萬春花

欲化渾奪得年頭作生日盡收芳氣入芳樽

豪風橫雨洗新春掣電驚雷起螯鱗七百里開雲土潤

八十年慶大椿展太宰醇醑春臺上

新監廣德軍酒庫
士人專食牛肉有

戲臺為賣
酒之地

金馬公車安路親凜凜河圖門戶在穩將才

葉嗣前人

九分纔是二分春從此看春更七旬行世功名初發脚
出門富貴即隨身棋逢要路方高著馬得亨衢定鞅塵
伏櫪自憐吾久矣傍觀甘作欄柯人

任詠道生日

八月十三日

月當天上連山易日占人間閨路碁華嶽金精供爽氣

廣寒銀闕獻高枝
鰈魚渴鳳塵綠
淨壽鶴靈龜內景
遲好把文章收富貴
却將功行享耆頤

劉武子生日
乙卯重九後十二日

封姨吹墮小烏巾
日御橫飛十二辰
漢代皇孫中校尉
唐家供奉謫仙人
六宮舊唱香奩無
諸老爭偷錦段新
大小山中千樹桂
壽君千歲轉詩論

劉自號小山

蔡顯甫生日
二月二十日

客裏今年慶事新
星香三日兩生辰
己歌西母如椿壽

又贊東床似玉人
郊觀妙傳仙祖訣

蔡天師觀在霞觴松陽卯山

同汎我家春

仙人頂曼都飲流霞

年年紅紫芳菲月
不負功名富

貴身

樂景夔生日

八月二十二日新西河州通判今年四十九歲

四十九年遠伯玉
又從湘水向洮河
還家起及垂弧燕
闔郡喧傳衣錦過
風月平分秋恰半
親朋來視壽如何
亮功人是長生日
預卜他年事業多

叔父生日
四月晦日

新年一百二十日此酒年年須共斟竹嶺松溪仙派遠
龍山夢澤壽鄉深戎葵百段纏頭錦盧橘千九買酒金
造物商量供酒費怕教一事惱閑心

黃塵赤日萬家團中有金莖露一盤酒氣薰天心獨醒
市聲搖屋鼻方鼾長生只用仁為藥至樂惟將靜作歡
嘉慶堂前齊指處髻毛如雪臉如丹

一年生日最佳時三老團樂繼秀眉北樹空明新眼界
東床消息稱心期竹林風景長宜酒椒頌年華剝索詩

試拂兩弦聽細摘曲中元是閔宮詞

萱花禿盡大椿生月色昏時壽宿明眼見扶疎都變密
氣鍾和淑更能清弟兄相對談前事門戶如今儘耐情
除却偷閑無善頌暮年多暇即為榮

大人生日 九月十八日明日開啟瑞聖節道場

明日君開祝壽場今朝臣捧壽親觴願親有俾昌而大
與國無窮祿爾康臺上菊遲今始綻堂前桂晚後彌芳
仙翁作計深長在待看滌曾勞滿床

欲繫銀章望日邊先裁綵服拜親前自家及國歡情一
以順移忠喜事連免管鸞牋松字日金風玉露菊花天
十分領取無窮壽否極如今合泰然

承甫兄生日用去臘見惠之韻

留住東風一莢莫伴他南極老人星暫棲鸞鳳官無小
晚挽貂蟬夢自靈五十買臣多富貴八十莊叟定年齡
腰間六印都如斗依舊雙髦帖鬢青

又代作

風收十四葉堯莫雲捧三千歲壽星人訝綉鸞淹彩翼
天教紋鵝放殊靈中書將相無窮考上古春秋不計齡
長見燭花香怕畔小桃紅嫩柳新青

羲仲量沙數砌莫甘公聚米笑周星無邊海福兼山壽
不盡天英與地靈翰苑文章看李白嵩廊風度待張齡
春風萬里泯江水吹作香醪盡意青

十五弟生日

合宮雷雨下江城重把賢書舊貢升八月穿天搜伏兔

搏風擊水化新鵬當年吉夢渾家喜今日成名望汝能
千歲靈龜須自養朵願無用酒如繩

十六弟生日 五月八日

長庚飛下祝融墟瑞入清臺夏五書八莢花開義叔應
一枝桂長羿妃居南薰解養秋風鶚夢澤能生北海魚
看上扶搖龍尾道曼聲傳唱繞周廬

一弦先上五雲端恰共乘弧勢一般疇昔熊羆和夢到
只今鵬鷲待秋搏紅榴色借丹枝重碧藕香搖翠袖寒

堂上雙親雖白髮情懷偏向試闡權

艾花開過天中節桂樹飛來月上弦喚起西堂春草思
吟成小雅杖華篇庭闈心事闕兒子場屋聲名有歲年
好把文章收富貴却將功行作神仙

代作五首

晝漏如今天共永壽辰於此數難量三千花實桃猶小
五日春秋木未長義宅巧占堯火正娥宮新學羿弦張
兩輪朝暮無窮照可怕金烏玉兔忙

一點陰機初晝遲十分陽德正開離后王誥命張施日
天地文明威麗時歷草自生蕭相葉桂花頽占都說枝
千鍾頓止真堪畏萬石他年更不疑

蒼龍元位五雲東北日黃昏却正中琴瑟銅壺添水箭
翩翩珠戶記柔蓬上弦月色如銀白南極星光似燭紅
歲歲年年尊酒畔小荷香霧綠槐風

流霞元是吾家飲生日曾供老杜詩

宗武生日細酌流霞用項曼都飲流

霞色借榴心芳露重香分荷氣碧泉滋重闈永夜宜開

酌六禮今年看結福可但春長并桂永靈妃蕭史壽無
期

孟嘗當戶三千客鎮惡成名百二關天以高名鍾見月
人於李孟得其間八風巡日開雲英半壁騰空映霧霏
共祝星郎十歲喜天孫早晚渡銀灣

十七弟生日用其韻 十一月二十九日

壽星合在角亢旁為爾臨來翼軫鄉日向綉床添永笑
雲從書觀發嘉祥修程九萬開榮路曲禮三千閱壽觴

冬弟春兄同此日天教鴻雁自成行
大兄正月生
亦二十九日

十九弟生日 四月四日

西堂舊作春池夢南國今逢小滿天
重四巧排黃閣印
百分宜泛紫金船
夜聞素月初生桂
曉看丹枝已屬賢
萬種春紅都斂避
一庭槐日翠陰圓
繭絲成綉夏初新
柳色如袍尚帶春
已見出墻添笋稚
即看調鼎長梅
又書隨雁序
并秋漢
研拂龍旗對曉宸
勉為家門成勝事
六枝仙桂一株椿

三弟校尉生日用去臘見壽韻 六月六日

八斤亮歷昇秋春萬里嵩高下
甫申兒女只今多似櫛
弟兄他日老於親
共誇戲綵隨鳩杖
不羨橫樞倚鳳宸
看取天台遊觀主
前街虛作漢朝臣

敬甫生日 五月八日

蘋尾生薰梅作霖
葵心粲笑草明金
杓星指處老人現
弦月升時歡伯臨
王母西池遊藥喜
天孫斜漢有嘉音
官槐又報黃消息
早擢丹枝媚綵襟
老伯疾愈敬甫
報娶婦之期

任 生日

盤堆鬱莫繁幽風鍾汎函林拂嶰筒一朶杖華千里到

六雙莫莢五雲中初庚恰向今晨足明日鼎甲懸知後

日崇新息陂頭多赤雁看排行序上層空任夫子卜居新息東坡贈

詩云竹坡雁

起天為黑

任司戶生日

曉殿莫花一莢飛晚簷桂樹小些兒人間已過重陽後

天上將開瑞慶時瑞慶節十九日開啟道場新息陂長鍾世德嘉陵

灘淺報官期

新利州司戶

待君飲怯長生酒又到江亭賀上

危

任以道縱幹生日轆轤體

身長如玉臉如童抱朴存真道氣冲隴上木牛新柱頰

篋中共靈舊蟠胸周正己報初陽匝方歷方開遠笑洪

不競紅塵桃李月雪中松檜自春容

四伯父生日 三月四日

春入芳蘭喜氣濃天風吹下慶重重大兒穩護梁州蜀

小女登高監宅龍南畝新年付熊驥北窓長日暮喬松
阿咸多病宜借隱自洗山蠶勸嗣宗

三月三日天氣新蘭亭飲散雞呼晨醪醺影裏看州姊
翼軫星中占老人千二百歲廣成壽六十四日東皇春
諸誦古人誦一句五枝芳桂一枝春

代宜滌

潭潭厦屋照春天初作生申第一筵清唱惠和三月四
歲昌耆艾萬千年竇郎植桂枝枝茂荀里生龍箇箇賢

汲井滄葵同此潤捧觴賦來從孫篇

吳給事 弔挽詞

我來鏡水問遺民想見堂堂報國身五月陂塘三百里
十年廟學一番新世傳風烈今無數自許經行得最親
一讀金陵補天議始知高處更驚人

少年胸次已吞秦

太師檜也

暮日肝腸獨許陳

陳公俊卿也

正笏

于今無此傑垂車在昔有先民傷心歲晚逢諸老屈指
才難更幾人壽樂哀榮公不恨年來於此自酸辛

寒食哭承甫兄墓

二月二十六日

半世驅馳未白頭無窮心事等閑休生前可是門闥盛
身後寧知禍患稠雄鳳已將凰共隱靈椿仍與桂同秋
茫茫三海運東漕不盡重雲片雁愁

上海中海下海之水皆入于漕河

用韻哭葉運幹

蘭薰玉膩掌中雛雪淨苔深鏡裏居忽向芳洲愛鸚鵡
便隨清夢化扶胥病多正要人扶杖年少翻令我哭渠
江漢西風吹老眼一襟寒淚苦無餘

荆范侍郎挽詞三首

四月二十一日

布韋得路如公幾少壯登朝至老衰東觀西雍盈記石
南宮北省徧絢絲童童戟纛開淮楚奕奕圖書冠馬龜
回首人間心事足去尋天上玉樓期

功畏人知不遣聞雙雙榮國存曾孫果州汲綆無遺力
荆府調膺有德書此日美人俱厭代何時病士得開門
西風一掬涪翁淚滴白公冢兩鬢尊

歲戌戌秋傾魯蓋公揚勳甫共吳船攀蘿自此門闈密

寓笑經年里開連二十六番新火變四十石帥舊情堅
萬間忽作堂堂壞杜屋無茅始可憐

挽程尚書詞

名大昌徽州人丙辰

時在建康

人間一日履聲藏天上文昌落正芒直諒無朋今魏汲
師承有法古韋康思陵州府嚴招騁孝廟經帷感表章

晚歲山林誰得似十年高臥樂羲皇

高宗南渡初復召試公與周退傳首

應北選

程樞密父待制挽詞二首

憶送雙旌帝北門豈知此別是終身項亭詩到鮮於錦

羊峴書來暖似春只有死當封晉魏不令生得定燕秦

世間榮事翻成屈獨抱功名向古人

待制方守邊以子為臺諫執政遂奉

祠終身

阜陵按射殿南闈待報彫弓待赭衣病我已逢明主賜

失公彌覺舊人稀旌旗北伐心徒在香火西清夢已非

不隻隻雞無路去亦知身世斬同歸

待制與余同年進士較射於集英庭

下

七言排律

二十四日省宿次楊文公集賢宿直韻兼擬其體
雲氣陰陰繞殿廬雨聲撼撼響階除薰爐翠被延周蝶
黃墨朱缸訂魯魚野性登朝常蹶踏親年須祿回躊躇
叨陪大典論疑信濫等諸儒課密疏漢殿修文開白虎
海邦張樂享爰居綺寮蕙草青霏入瑤圃梅梢玉雪初
史藁堆牀殊未已詩材滿地欲烏如倦投東觀中郎筆
起讀西菀病監書節想清忠侔汲直詞欵雅麗出唐餘

高情炯炯軒裳外長向金門憶飯蔬

五言絕句

題屏風墨梅二首

一段西山雪中含太古梅無香亦無色免被百花猜
天上和羹事巢由不忍聞疎花將瘦影開臥一溪雲

菱浦謠

絲絲千丈絲就此一寸的但願的成蓮莫教蓮蒂惹

竹枝歌

山女帶山花狂夫未著家蠻歌君莫笑曾入漢琵琶

款乃歌

霽乃出深樹湘山日落時若非堯女哭即是楚臣啼

二十六日慈竹二首

慈竹村村種鞭行不出林吾親在何許回首白雲深
郁郁帶春陰依依遠故林何人化南裔草木有仁心

次韻顏運使度伏龍山諸葛祠堂二首

羽扇白綸巾堂堂六尺身我評秦漢下宇宙只斯人

大義炯如新千年報國身寧從東海死不作帝秦人

五月八日離金陵

舟移石頭岸路轉馬鞍磯惟有長干塔相看未忍違

雨中二絕句

急雨暗洲渚顛風吹客船不知何世畫水墨小江天
雨過山色青風來水花白不是風雨來何因見顏色

鷄唱歌

莫歌鷄唱曉老淚不禁彈昔為祖士雅今作杜齊安

六言絕句

堤上遇兩

風聲千岩萬壑雨意三江五湖橫笛平生幽願小舟歸
去良圖

平庵悔稿後編卷五

平庵悔稿後編卷六

括蒼項安世平甫著

七言絕句

紅梅

瘦影從來雪不如宿醒誰見綺霞舒道山堂下春風面
還向天涯伴校書館中紅梅一株最
感年例作賞花會

初春二首

野澗江空無片雲草枯木脫最愁人東風小作撩人意

已覺人間無奈春

不寒不暖風色好似醉似眠春意深嫩綠深紅無一點
柳情花思自盈襟

縣解海棠盛開二絕句

梅蕊纔開杏又紅今年春事大忽忽堂前燕子歸來到
雙海棠花已滿叢

美人宿酒未全醒困倚妝臺睡不成一半醉顏無處畫
似紅如白最多情

紙閣

也知無鬼瞰高明紙閣中間萬事輕不願人呼貴公子
只圖身作富書生

薄似秋雲瑩似冰清于寒士懶于僧愚誰更得移蟾法
剪取光明不用燈

春色三首

花因實盛村村有樹為花繁處處明浩蕩九州春色裏

輸他桃李最多情

桃李

春風十九歸桃李白白紅紅得最多未抵垂楊春最惜
嬌嬌嫋嫋奈渠何楊垂

墮粉飄紅迹已陳却將春色付何人東君老去都平施
綠暮連天一樣新芳草

安園送春三首

春歸重到是何時滿勸教渠醉似泥長短亭前芳草滿
醉中歸去路應迷

未信飛花取次空遶園千步究春風元來多在榴花上

百摺芳心一併紅

春風從此不須歸伴我逍遙更莫疑閒事胸中無一點
相看日日是春時

立夏日南風大作二首

堤邊樹子最無情怯則春歸第一程舞向南風渾不住
葉間羞損舊啼鶯

滿城楊柳綠依依背著春風自在飛却是楊花有才思
一時收拾伴春歸

長亭解

行人處處論亭郵總為長亭怕永州不道長亭更長去
也應行到日西休

遊云門山讀亭中詩板擬丐使者以石易之

唐人詩板四十五麗句亭中歲月深煩公白我一碑石
與張去聲萬壑松風音

將往襄陽一日大雨

誰報江神我欲西怕傳新句落檀溪江頭一雨泥三尺

車沒雙轎馬沒蹄

留荆門蒙泉上三日無詩將去作二絕句謝之

倚雲上頭寒碧下三日團圓看似癡領畧山靈無此客
與君何處更須詩

我詩只在藍輿上兀兀荒陵自語時坐看飛雲行看水
此時無我更尋詩

望三疊泉谷簾泉而不能至

只遊玉峽并三峽未到簾泉與疊泉少日躋攀今老矣

且隨筋力度殘年

次韻連通州禱雨彌勒像二絕句 壁

欲呼彌勒下天宮
雲葉森森意已濃
塵世為霖消底物
葛陂龍是向來筇

田父占雲控血誠
治中得句寫江清
苦為古堰千龜裂
得似詞源萬斛傾

用韻寄四川總領陳郎中

天上歸來睡九春
一封黃牒拜除新
赤城洞府今為主

撫掌群仙總是賓

筆鋒秋老墨花春
散作烟霞段段新
聞有清詩心便渴
徑煩珍字寫西賓

巴河

紛紛劍客走淮濱
破虜紅袍海內聞
行到巴河打叉處
去歲買虎 居人猶識舊將軍

忠州

耕鑿林廬滿四山人
家境象極寬閒不妨五馬雲根住

小市孤城自掩關

過滑達嶺

連山赤堠號膠泥想見林深叫竹鷄一路新晴天借我
穩扶藍筍上山溪

石滑達嶺

脚穿行到滑達日耳鳴聽得提葫蘆亂山無數日欲落

一聲美酒寬征夫

滑達嶺上十年前黃泥白石故依然舊時茅舍無尋處

一我能消幾十年

二十九日過小將軍大將軍嶺

複嶺參差意出羣行人遙指兩將軍黥彭只廢空山老
不向中原早策勳

輯句招王國正四首

字齊卿蜀人去國為成都通判

璧門金門倚天開興寵張帆載酒回日看省曹閣者面
鞭笞鸞鳳相追陪

青春欲盡急還鄉萬里橋西一草堂富貴功名何足道

先生有道出義皇
投老歸來一幅巾
客至從嗔不出迎
萬里相逢貪握手
有底忙時不肯來

舟中懷夔門親舊八絕

盧運使道號雙峯新移成都漕

雙峯握節國西門
直氣森森老更尊
一榻獨容徐孺子

人間盡有陳蕃

楊教授從盧漕往成都

沂江而上豈他楊
便是劉家執戟郎
拂拭千年舊行處

墨池文字日爭光

子雲墨池在成都正法寺

龐巨淵開州人

蜀士如何苦擯夔
盛山龐子最能詩
天門萬里憑誰叫
衡鑑當今四路持

盧武子

武子才高八面宜一身何事不兼之精神可惜須完養
瘦骨伶俜玉一枝

盧道子

我愛盧家道子賢悼亡之後只蕭然虎兕向我能求字
玉雪肌膚更可憐

潘和叔

潘郎於我最情長勸我新羅莫麼忙落日繫舟崖石下
斯人風味故難忘

盧智子 余為作字說

聖門坦坦萬人行欲人先須去路明為報只今盧智子
莫教辜負項先生

盧似子 小字日明以早跡不復更名

伯庸皇考錫嘉名所願兒如此水清莫羨涇人多稻米
長教漁父濯塵纓

順風

十葉乾蒲萬斛船滿江蕭鼓看登仙不牽百丈搖雙櫓

坐見紅旗上碧川

風回二絕句

南風欲轉北風顛
一夜濤聲起枕邊
更著三更蓬上雨
十風無賴擾清眠

纜作野叉浮水面
何如狸爪下船頭
長年笑語歸船去

卧聽顛風更不愁

二十七日衡陽義宰以奚奴墨梅侑客

太初字冲遠

鐵石心腸宋廣平
賦令脂粉太多情
固應却有柔荑手

淡拂橫枝徹骨清

晚自嶽麓歸

千張綠錦變明青
嶽麓峰前暝霽生
萬頃玻璃成瑪瑙

瀟湘江上夕陽明

送都大茶馬入覲八絕句

六月長江白水秋
夜寒銀漢入江流
台星直下穿雲夢

知是西來使者舟

使者東南甲第開
日邊雲氣近蓬萊
要令二虜知名字

故遣窮邊萬里回

橫絕乾坤作四封秦川馬驛與天通北閉門到苜蓿海

盡在軺車玉節中

巴滇綠駿足如風西域天駟骨似龍日日馬綱來不斷

君王心已在除凶

此人從古笑南方只有樓船解把江今日因公致天馬

蒼僮聞說已心降

蜀道三千髯髮新九重興念玉關人芝函寶蹟從天下

喚取歸來作近臣

翩翩不下楚江鷗水宿風飡得自由聞道鸞凰上霄漢

亦知驚起却回頭

何世真無千里馬如今始得九方歎何如牝牡驪黃外

更相權奇磊落人

入鄂州

重來嘖嘖兩街人慚愧無功及吏民正是去年平賊後

稚牛醜酒漏春城

平庵先生集卷六
次韻荅荆南王君行見寄七首 轍潼川人居江陵

熟知宦海波如席不礙滄洲白鳥雙詩來正與我意合
一笑澹然明六牕

主家一妻三千當教我育我如恐傷如今弃妾歸南陽
使我一葦凌蒼茫

我來不飲粵山酒三百五十九日齋先生付我一大事
正恐乘醉著青鞵

開緘忽見王安豐手閱七言詩一通端能道人意中事

千載之下有國風

美人讀易見三聖恍惚不墮老與閑菰蒲中士有如此

使我日日望龍山

太守風味今寒儒惠我佳句春華敷越中溪山猶可似
太守好事天下無

錦城雖好易吾廬作吏不如歸讀書千羨萬羨王隱居
有田可耕湖可漁

雪後日出三絕句

驅車清曉入瑤林玉色珠光冷不禁天意向人相暖熱
雲頭初日萬黃金

勾芒設色滿丘園著粉施朱總可憐未抵天公真畫手
金光明裏玉山川

六日陰寒一夜成夢回秋月照聰明開門一雪深三尺
展盡寒威便放晴

上元雷雪

巫峽蒼江一夜雷南雲北夢萬花開天作自作燒燈會

不放金蓮放玉梅

道山梅開最遲作四絕句

曉牕休約見凝脂爭挽南枝問別離幸有今年春較草
避人何事却開遲

走下青泥濕素碁竹籬苔徑有橫枝疎花數點淒涼甚
已甚櫻桃似雪時

一年人事幾推移只倚梅花似舊時起懶妝遲花亦老
却教青鬢不成絲

避始含羞作態遲等閒虛度上春時東風已到垂楊樹
倚賴清香欲告誰

二月十七日辭郢州值襄陽人至

謾說離家已半年春風吹草綠如烟馬軍恰與征人會
此出那知不繫天

西渡亭別羅鄂州

十七年間四別離江南江北幾驅馳相逢轉覺工夫密
不作尋常血氣衰

次韻吳少保春日四首

正從濠上看鯨魚忽向宮中佩虎符出處自殊心自一

依前魚樂滿江湖

右赴鎮

春晝遲時思不遲筆飛成陣墨成池不書虎卧龍蛇字

即賦鯨魚翡翠詩

右春晝

米家書畫最難忘喚起眉間大宅陽酒病春愁都洗盡

貼黃小字薦賢章

右病起少保藏米老小楷奏劄甚珍

彈壓江湖景有歸指麾物象思無違不聞風頂飛欄上

撫掌人間得失微右雄楚樓

賀范安撫上事十絕

前肩蘇叟范純夫其伯祖也後陪朱范元長其伯父也父子經筵世已

無誰見諸孫同盛事槐龍陰下六絲絢

秦陵初政似昭陵崇國親扶曉日升范子功其曾祖也欲把經

綸付喬木內前車馬已騰騰

忽引風帆下玉京傍人惟見比身榮君侯未解眉間摺

泥山高退故難量國子先生更善藏其子子該亦自武學諭外補不

枉中朝推范呂小中公畔有榮陽

太史當年責了翁二程佳處似春風范淳夫青陳瑩中不識程伯醇又國

忌不從伊川食素 固應却有諸孫在重把陽春教郢中

雖江迎造忽吞天說與江神莫太顛公是乘槎天上客

曾經倒海試孤騫

十日焚雲七澤焦六千里楚未開憲使君恰與秋同到

一筴風吹萬愠消

因聲調笑古揚州下水如何占上流
此行自揚移荆却倩枚回
洲上月照將餘潤到瓜州

東觀歸來病史官枕稜刊盡席痕班自從公去閉門睡

直到公來未啟閤

范赴召時予始病今七年矣范入朝

郎出帥揚荆而予病故未愈也

是人從古為秋悲病骨逢秋更可知說與世人應未信

今年新有羨秋詩

寄湖北張總領六絕句

故人天上厭晨趨走向人間看五湖已煮太湖東畔海

更飛青草北邊蕩

張自浙西益使除湖北總領

六千里楚舊堂堂六十年來爾許荒敗券殃民為第一

諸餘報發總尋常

總領官銜專一報發御前文字

只道軍儲入較量誰知民命更禁當增錢新有梁膚使

破產舊遭周侍郎

增錢謂令民輸官半會子半見錢民艱于錢大以為苦破產謂以市價五

十一錢之會子合民作七十七錢故受于是中人之產喪其十之五

券敗官家幣日輕券高民失舊家生糴中運指何年了

一度稱提一度驚

杭州之券每新抄行地仍寬價自豪不出荆州三十載

爛如袍絮若為高

行在會子每界換遣又除四川外皆可用湖北會子三十年不易又不許

出湖

北外

吳楚如今共一天兩州分券亦堪憐若教盡展杭州券

應不秤提自直錢

寄趙帳幹

晦明風雨朝朝出遠近高低寺寺行漢體八分唐七字

王孫題處總閑情

竹小口候風

河邊高柳種成帷隔盡朝陽與夕曦臥看綠陰涼吹裡

紛紛黃葉下如篋

次韻送劉都幹赴金陵

六朝宮殿臺城古千徽羅紵幕府尊消得能詩如小謝

去吟佳句張轅門

美人去作江東雲此酒何時共一樽若上高樓望吳越

亦須回首念荆門

坐中無子不復樂幕下得君應更尊相思不似此江水

日日解到西州門

商婦唱歌歌斷魂吳姬厭酒酒盈樽金陵子弟相呼喚
醉著輕衫過市門

且可勤買拋青春酌以瘦藤之文樽與君只欲醉中別
且莫更歌駒在門

風急柳絲飛漠漠雨餘花片落陰陰行人正用此時去

忍聽遶遶船鼓音

桃花逐水水初長草色迷春春正陰客子帶將春色去

離歌腸斷不成音

湧金門外青蓮蕩朱雀桁邊細柳陰小艇年年寄湖海
教承兒女作吳音

以霜柿餉鄭檢法

虞任道號陶隱

髮毛似霜紛紛白心地如砂炯炯丹細教諸公誰稱此
陶隱居士最宜食

贈石首李令

風荻點前如我助江豚吐氣欲誰究岸邊有客來求贈

只與食魚莫與言

劉麟之居石首使王子猷舟過
苛魚就贈食畢徑去不交一言

老子頭顱新似雪元兄丘瀧舊成陰莫談三十年前事

愁損河陽一縣心

淳熙乙未三
人同試南宮

過彭澤縣

去家百里便言歸猶道無成白首非萬里青天行蜀道

此心何日得無違

南康劉知錄惠貺詩編策

楓疎栗錐康山老石出舟橫滙澤貧掛鉢西街三十日

不知鄰屋是詩人

次韻胡季履鵝梨絕句

奮坐只供兒女愛蒸來堪與俗人言故應世上逃名者

火棗同功赴一原

次韻和羅機宜探梅不果

邊頭無事最高閒十日沙泥不肯乾走馬看花雖休得

筆端風味似曾看
小梅風雨最高間
淨洗鉛華粉面乾
試問吟詩向東閣
如何騎馬竹西看

春來

楊柳梢頭食髓重
醱醱枝上玉針長
春來小院繞三日
花女林神有許忙

東冶尋梅未開

東冶亭西紅白梅
貯瓊藏玉為誰開
一枝不遣幽人賦

忍得春深醉客來

閏月二十一日作落梅花
是日有旨晦翁宮觀

千畝寒林一樹梅
自妍自笑已堪哀
朝來更被風吹却
擬遣春從底處回
野外籬邊爛漫香
晚風孤影弄霓裳
飛花滿地無人管
却趁春泥上燕梁

蕪湖縣阻雨

江南五月作秋陰
杜若洲前十日霖
臥聽兒童說風雨

老來元自不關心

宿建康府沙河夾

晚風橫起沙河夾
落日正明瓜步山
夾裡人家似苔雪
稻田荷蕩水雲間

金陵雨花臺感僧雲光事自警

橫經處處客諸侯
一上高臺愧不休
講罷直饒花自雨
未妨轆下作官牛

秋蠅

憑暖欺人撲面飛
天寒墮案却相依
世間冷熱情何限
憐汝為生獨細微

松江烟突

日氣烘江水氣暄
杏花餛飩並淮天
望樓烟突清于水
平世邊城自集烟

胡仲方送周退傳楊待制二像

九霄仙鶴平園像
退傳自號平園老叟
大室神龜野客真
待制自號誠齋

野不是胡郎相介紹
草間麋鹿得相親

夜間風竹有懷

竹客源頭逆旅開道人同此聽潺湲小窓夜半聞風竹

夢著征袍繞故山

竹客者處州松陽縣山名

竹客源二首

鄉人見客面顏開客子還鄉意極哀白髮老親情最切
何姑阿妯不同來

白頭祖母命相依此地當年共食薇二十五年如昨日
傷心同去不同歸

做廬畢工

心折半生行道路眼明今日見茆茨夢魂猶在風波處
月黑江喧下纜時

十月旦上塚詩

當時飛輅得金堤掣電驚風過馬蹄今日筍與搖醉帽
城東一日到城西
做車羸馬草荒陂十步蹒跚九步歌不恨傍人騎馬過
病夫曾有少年時

流鶯飛絮滿城時
曾踏春風看柳枝
却到枯條黃葉下
人生老去更何疑
一年兩度過城隅
似讀皇王萬古書
看罷春花與秋葉
人閑萬事更何如

田間曉行

稻花香裏泉聲滑
草露梢頭日影圓
喚起東中十年夢
山陰道上早秋天

冬至日早起

兒童吹火注油燈
起著新衣坐到明
病裡已知時節換
夜闌龜息見陽生

蠟梅花

香如江路晚風騰
色似蜂房曉露凝
姓蠟名梅俱是假
世間多少墨成蠅

詩中有醉字

年來不飲杯中物
減却詩材淡却伊
詩裏有時須說醉
一生誠實此為欺

春雨懷承甫兄

夜深風霰入油疏小院燈明自勘書料傳繫舟依柳下

江烟雨怨離居

輕寒剪剪透羅衣正是行人二月時重下翠帷猶不隔
短篷疎雨更相欺

初夏偶作

一天濃綠點殘霞百摺湘裙血染紗剛道春歸無覓處
十分妖艷在榴花

次興四絕

赤日燒雲汗滿衫一年還却十年閑男兒不是憂家國
水草冰慚正掩關

平生竹帛最關心未免干戈老繫身可共兒曹爭染刺

大書銜位說比隣

有怒其與宣撫使同銜者

報國雖貪死後名還家亦懶老來情釣魚船上灣灣月
何用轅門報五更

兵餘初傍碧鈞欄青杏垂垂綠蔭團手按茶條成太息

一春花好不曾看

又前韻

得來棚下脫衣衫
筵席初妝戲士閑
君相思深何以報
班超生入玉門關

桃花扇底畫樓心
箇箇三千只一身
可是從來多薄命
枉將顏色似東隣

何須紙上十分名
且樂尊前現在情
兩鬢雪霜心尚駭
萬般情偽老方更

庭前黃耳臥花欄
瘦脇長腰駁尾團
壁上朱弓雙鵲面
寂寥終日兩相看

鳳仙花

紫鳳生兒未解啼
三三五五並顛栖
愛花未識花枝在
隨榦隨根著處迷

有感四首

宋司馬欲兵夫子哥
利王曾歎釋迦血
面何須尤墜地
赤心終不怨鏃鋌

夷齊怨惡本不念堯桀是非今亦忘不知伍子嗔何事
魄化為潮日夜忙

向來涉筆賦長楊辱賜天家七寶牀黃叻少年評大士

白頭宮女說先皇

唐詩白頭宮女
在閑坐說玄宗

走章臺馬閑遊冶攀鼎湖龍竟渺茫縱使老婆強捺林

安能更似入時妝

雜言

春遊 一字至七字

行行日暖烟輕舒遠曠暢幽情小雨餘潤微陰護晴草
深時見蝶葉密但聞鶯陌上青絲繫馬樓頭銀字調箏
滿城翠憶遮姚魏只有東風為不平

平庵梅稿後編卷六

平庵梅稿補遺

春日隄上

高高下下十五里
白白紅紅千樹花
總在疎籬斷垣裡
背隄臨水小人家

吹帽臺

千山搖落萬林空
數點黃花酒盞中
半破樓羅誰耐管
已將身世付西風

拋毬

綵毬丹桂倚春風
寒食清明罷繡工
漢北將軍貪蹋踴
豈知兵法在吳宮
以上從後村詩話補

永州

日日長沙岸看雲
只念家如何
永州夢偏夢在長沙
從後

村詩
話補

糟蟹和潘德父

大戴笑汝無穴空
雙螯小戴笑汝有
筐如子舉太玄笑
汝長郭索入穴慚
蠃升慚
孫知心但有畢吏部
臥起與

汝同酒糟後來愛者
藉長公亦祇許汝
中山醪固知合
向一止老安得上
與三辰翹長公貌
喜心未敢雖羨微
生尤惡饜我疑吳
儂修拙恕和林醢
汝價民膏雖然因
此得長醉痛貶未
必非深褒又疑畢
叟妬劉掾曾以螟
蛉輕二豪故回左
手就箕倨持螯藉
糟成兩高
後後山詩話補

平庵詩稿補遺

宋史本傳節畧

項安世字平甫其先括倉人後家江陵淳熙二年進士
 召試除秘書正字光宗以疾不過重華宮安世上書極
 言疏入不報安世遺宰相留正書求去尋遷校書郎掌
 宗即位詔求直言安世應詔言立國之本在量賦制用
 而已時朱熹召至闕未幾予祠安世率館職上書留之
 不報俄為言者劾去通判重慶府未拜以偽黨罷安世
 素善吳獵開禧用兵獵起帥荆渚安世方丁內艱起復

知鄂州總除戶部員外郎湖廣總領金兵圍德安急安
世不俟朝命徑遣兵解圍尋權宣撫使又陞太府卿與
獵有隙斬獵客宣撫幕官王處獵聞于朝安世坐免後
以直龍圖閣為湖廣轉運使判官未上用臺章奪職而
罷嘉定元年卒所著易玩辭他書多行于世

庚子除夕

予自臘月初旬錄平庵詩稿暨除夕已過半矣空囊
羞澁幸免索償節物華靡無闕懷抱亦一樂也口占

四絕句解嘲

篝燈寒夜興如何手自抄書敵睡魔目力半昏憑黠魅
遺文多誤費吟哦
脞涵素雪光生白爐撥殘灰火復紅獨坐獨吟還獨嘯
清嚴風味許誰同

振鐸鳴鉦已四更四隣雞犬寂無聲都家但有書燈在
寄與偷兒勿浪行
看囊多愧杜陵錢與物無闕作散仙却笑窮神不須送
生平難得此清閑

太初呵凍書于秋室京寓之疏華館中

辛丑穀日抄平庵詩稿畢其七言律詩猜胡表弟

分錄也口占三絕句識之是日辛祭祈穀十一日立春

七人八穀古今同又值祈年煙祀隆食我農人天可告

硯田何事不登豐

析卷分抄好自由古云罪過屬風流老夫別有闕情處

聊使辛勤散客愁

辛歲辛辰萬歲新帝都佳麗物華陳天公大展開生手

一桁東風四海春

太初吳長元書于京寓之疏華館中

嘉慶乙丑知不足齋錄副訖七月二十九日記

平庵詩稿卷之四
平庵詩稿卷之五
平庵詩稿卷之六
平庵詩稿卷之七
平庵詩稿卷之八
平庵詩稿卷之九
平庵詩稿卷之十

右平庵詩稿宋松陽項安世平甫著按陳氏書錄解
題載平庵悔稿十五卷悔稿後編六卷宋史藝文志
作丙辰悔稿四十七卷是其書在當時已所見互異
也 御選四朝詩不列其名厲鵠宋詩紀事有之
載平庵悔稿不著卷帙其為世所罕見可知矣吾友
姚詒齋天成中翰云乾隆三十八年掌處州書院浙
撫有採書之檄時松陽項氏尚有舊藏刊本惜殘缺
不全未送省局是編為余秋室集太史分纂永樂大

典摘出時誤傳全集已抄入四庫全書遂未經編錄
庚子秋冬予寓秋室邸舍愁病相侵杜門不出取案
頭存稿粘帖成書手錄副本計悔稿丙辰悔稿悔稿
後編凡三種共詩一千四百餘首每稿輯成一卷以
書錄解題所載較之悔稿十五卷今丙辰以前共得
八百六十餘首悔稿後編六卷今得詩五百五十餘
首知悔稿之所缺甚多也且云後編自丁巳終壬戌
括本傳則丙辰悔稿正偽黨罷職之時後編諸詩必

終于壬戌以後如七言內凱歌一首此開禧間解德
安園也七絕內贈石首李令云莫說三十年前事愁
損河陽一縣心自注淳熙乙未予三人同試南宮是
詩當在丙寅丁卯之際上溯乙未方合三十餘年平
甫卒于嘉定戊辰去壬寅又六年矣安得無詩考平
甫後編題辭作于慶元戊午但云安知異時不復悔
此不言止于何年似解題所云未可盡據也又解題
列于詩集故前後共二十一卷藝文志作四十七卷

大約舉全集而言直齋或未之見耳俟他日南旋訪
求殘本校補完善為書林之一大快是編出自禁垣
世間希有當什襲藏之乾隆辛丑立春日仁和吳長
元書于秋室京邸之疏華館中

右平庵詩稿從永樂大典錄去傳宋詩者多不列其
名讀其集中詩材力富贍每每以詩自豪是亦宋季
巨擘迥出江湖諸派之上者舊錄不分卷編為三帙
有分體錯誤者余為正其詠輯平庵悔稿為十五卷
悔稿後編為六卷仍書錄解題之舊丙辰悔稿佚去
為多只為一卷聞松陽尚有舊藏刊本當訪輯之以
為全璧也嘉慶乙丑冬日仁和趙魏借知不足齋本



此書乃... 卷之六... 正者中林跋



